

p. 103. — *Apargia Hispanica* M.B. Taur. Cauc. II, p. 248 non L. — *Andryala lanata* Habl.

Hab circa Byzantium (Noë exs. 594!), in Tauriâ circa Sympheropol (Stev!), Caucaso ad flumen Ardon (Rupr!) et prope Borschom (Radde!).

Species ab affini *L. saxatili* Rchb. scapis plerumque validioribus apice magis incrassatis et interdum ramosis, involucri phyllis eximie ciliis brevissimis furcatis marginatis, acheniis longioribus (sex lineas longis) discedens. Varietas  $\gamma$  habitu et capitulis subminoribus *L. saxatile* refert, ejus phylla ut in typo fimbriato-ciliata sed longius acuminata.

Ar. Georg. Regnum Neapolitanum (Ten. mixt. cum *L. saxatili*!), Dalmatia, regio Danubialis, Rossia australis.

8. **L. Græcum** (Boiss. et Heldr. Diagn. Ser. I, 11, p. 39) totum indumento brevissimo pilorum stellatorum canescens, radice verticali, rhizomate pluricipiti indurato, foliis radicalibus ambitu oblongo-lanceolatis brevibus in petiolum attenuatis in lacinias triangulares vel lanceolatas pinnatipartitis interdum sublyratis, scapis monocephalis rarius ramo auctis apice fistuloso-incrassatis, capitulis mediocribus vel magnis virgineis cernuis, involucri phyllis imbricatis latis ab externis triangularibus ad interna lanceolata acutiuscula elongatis brevissime pulverulento-canis prætereaque secus nervum plus minus et breviter setosis, acheniis tenuiter fusiformibus superne subattenuatis et scabridis, pappi sordide albi plumosi setis longioribus 20-25 basi subdilatis achenio parte dimidiâ brevioribus  $\varphi$ .

Hab. in regione montanâ et alpinâ Græciæ, Taygetus loco Choupata dicto et mons Olenos 6500' (Heldr!), Malevo (Sprun!), Hymettus, Lycabettus et Laurion Atticæ, mons Onion Bæotiæ (Boiss!, Heldr!, Auch. 3334!), Olympus Thessaliæ (Heldr!).

$\beta$ . *Heldreichianum*. — Indumentum densius canum, involucri phylla præter indumentum breve pilis longis flexuosis undique obsita. — *L. Heldreichianum* Boiss. in Orph. exs.

Hab. in regione mediâ et superiore Parnassi (Guicc! Orph. Fl. Græc. exs. 321!).

Species a *L. saxatili* phyllis latis, a *L. aspero* cui hæc notâ magis affinis est phyllis non fimbriato-ciliolatis, ab utroque rhizomate fere suffrutescenti, foliis profundius divisis discrepans.

9. **L. oxylepis** (Boiss. et Heldr. Diagn. Ser. I, 11, p. 40) totum indumento brevissimo denso stellatim furcato canum, radice verticali, collo pluricipiti, foliis lanceolatis elongatis in petiolum longe attenuatis remote et minute dentatis acutis, scapis elongatis monocephalis rarius ramulo auctis apice incrassatis, capitulis majusculis, involucri phyllis anguste lanceolatis setaceo-acuminatis indumento stellato brevissimo canescentibus, exterioribus brevioribus tandem patulis, acheniis tenuiter cylindricis superne scabridis et subattenuatis, pappi sordidi setis plumosis longioribus 15-20 achenio dimidiâ parte brevioribus  $\varphi$ .